



## “Lapsi (për shkrimin e mëkateve) është pezulluar për tre persona: për atë që është në gjumë, derisa të zgjohet; për fëmijën, derisa të hyjë në moshën e pubertetit dhe për të çmendurin, derisa t'i kthehet mendja.”

Aliu (Allahu qoftë i kënaqur me të!) transmeton se Profeti ﷺ ka thënë: “Lapsi (për shkrimin e mëkateve) është pezulluar për tre persona: për atë që është në gjumë, derisa të zgjohet; për fëmijën, derisa të hyjë në moshën e pubertetit dhe për të çmendurin, derisa t'i kthehet mendja.”

[رواه أبو داود والترمذي والنسائي في الكبرى وابن ماجه وأحمد] [Ky hadith është sahih]

Profeti ﷺ në këtë hadith na tregon se njerëzit janë të ngarkuar me obligime fetare, përpos tre prej tyre: 1. Fëmija i vogël, derisa të rritet dhe ta arrijë moshën e pubertetit. 2. I çmenduri, të cilit i ka ikur mendja, derisa t'i kthehet ajo. 3. Ai që është në gjumë, derisa të zgjohet. Përgjegjësia për të kryer obligime fetare është hequr prej tyre dhe mëkatet që i bëjnë nuk u shkruhen, por veprat e mira u shkruhen fëmijëve të vegjël, ndryshe nga të çmendurit dhe ata që janë në gjumë, sepse këta të fundit janë në kategorinë e atyre që nuk janë të aftë për të kryer adhurime të vlefshme për shkak të mungesës së vetëdijes.

<https://www.sunnah.global/hadeeth/sq/show/58148>

